

Mengapa Saya Mengamit Agama Islam

Di bawah ini dihidangkan sebuah makalah yang ditulis oleh seorang wanita yang asalnya penganut agama Yahudi.

Beliau telah memeluk agama Islam dengan memakai nama **Maryam Jameelah Begum**. Sebelum memeluk agama Islam nama beliau ialah

Margaret Marcus, berasal dari Amerika Syarikat.

Oleh : Maryam Jameelah Begum.

Terjemahan : Abu Al-Hashim

Terjemahan: Wahyu Qalam

Saya suka mengingati kembali, bagaimana saya mula-mula tertarik kepada agama Islam. Di kala umur saya sepuluh tahun, saya pergi belajar agama di sebuah sekolah mingguan Yahudi, dan saya rasa amat tertarik mempelajari mengetahui sejarah-sejarah mengenai perhubungan di antara orang-orang Yahudi dan Arab.

Daripada buku-buku teks Yahudi, saya telah mempelajari bahawa Nabi Ibrahim itu adalah bapa orang-orang Arab dan Yahudi. Saya belajar, bagaimana sekurun kemudian, setelah orang-orang Kristian menyeksa dan membunuh beramai-ramai akan orang-orang Yahudi. Pihak Islam telah memberi perlindungan kepada mereka di Sepanyol, yang pada masa itu di bawah pemerintahan Islam. Dengan yang demikian maka adat resam dan kehidupan orang-orang Yahudi berterusan dengan gemilangnya.

Tanpa sebarang pengetahuan tentang sifat-sfat orang-orang Yahudi yang sebenarnya, saya fikir kembali; mereka ke Palestin adalah untuk mengeratkan semula perhubungan mereka dengan orang-orang Arab, sewaktu yang telah berlaku di zaman

dahulu itu. Saya fikir yang orang-orang Arab dan Yahudi akan bekerjasama untuk mewujudkan kembali zaman kehidupan yang cemerlang dan keemasan seperti dahulu itu.

Walaupun saya tertarik kepada bacaan-bacaan sejarah tersebut, tetapi saya sangat-sangat berduka-cita apabila berada di sekolah mingguan agama Yahudi itu. Pada masa itu orang-orang Yahudi sedang ditindas oleh pihak Nazi, dan saya kehairanan mendapati bahawa murid-murid dan ibu bapa ibu bapa mereka tidak ambil berat langsung mengenai agama yang mereka anuti.

Di masa belajar di gereja Yahudi itu, murid-murid tidak ambil peduli apabila guru memberi ajaran; sebaliknya mereka membaca buku-buku komik dan berjenaka dengan penuh riang, hingga suasana di situ hingar-bingar dan tidak dapat dikawal lagi. Dengan demikian guru yang mengajar itu tidak dapat menjalankan tugasnya langsung.

Keadaan di rumah kami pun lebih kurang demikian juga. Kakak saya pun boleh dikatakan dipaksa, hingga

ia menangis-nangis baharu ia pergi ke gereja tersebut. Akhirnya ibu bapa kami tidak memperdulikan kami lagi dalam pelajaran kami di sekolah tersebut kerana mereka sudah bosan dengan kelakuan kami yang degil itu.

Di masa cuti perayaan-perayaan agama Yahudi, kami telah pergi berkelah atau ke *restaurant-restaurant*, kerana enggan pergi gereja untuk bersembahyang. Akhirnya setelah bosan dengan agama tersebut, kami sekeluarga telah memasuki satu organisasi yang disebut “*Ethical Culture Movement*”.

Organisasi tersebut telah dilahirkan oleh Felix Adler di kurun Masihi kesembilan belas. Felix mempercayai bahawa segala agama yang mempercayai akan benda-benda yang luar biasa atau kuasa-kuasa ghaib adalah tidak termasuk oleh akal di zaman morden¹ ini. Pendek kata fahaman yang dibawa oleh organisasi ini adalah memusnahi agama-agama. Saya menjadi anggotanya hingga umur saya lima belas tahun, dalam masa mana saya telah melengkapi diri saya dengan idea-idea organisasi tersebut.

¹ Perkataan sebenarnya adalah *modern*.

Mengapa Saya Menganut Islam ?

Keseluruhan masa remaja saya, saya telah menaruh kepercayaan bahawa tiap-tiap agama itu adalah ciptaan manusia, hingga akhirnya saya mulai insaf akan adanya Pencipta sekalian alam, baharulah saya cuba mengejar hakikat yang benar. Di suatu masa saya telah memasuki kumpulan “Baha’i” di New York yang mempercayai wujudnya keesaan Tuhan. Tetapi ia tidak dapat memenuhi iktikad yang saya kejari. Jadi saya meninggalkannya dengan rasa penuh kecewa.

Selepas itu apabila umur saya 18 tahun saya memasukki pula “Gerakan Belia Yahudi” yang terkenal dengan nama ‘*Mizrachi Hatzair*’. tetapi sekejap saja saya pun meninggalkannya dengan perasaan penuh jijik kerana gerakan ini adalah bertujuan untuk memusuhi orang-orang Arab.

Apabila umur saya meningkat dua puluh tahun, saya menjadi penuntut Universiti New York, mempelajari ilmu agama di Jabatan Pengajian Yahudi, yang satu daripada ilmu-ilmu yang saya selidiki ialah “Judaism and Islam”. Pelajaran tersebut memperbandingkan di antara agama Islam dan Yahudi. Ia menyatakan bahawa Islam itu berasal daripada Judaism (Yahudi). Profesor kami, Rabi Ibrahim Ishak Katash – telah mencuba menegaskan dan memberi pendapatnya dengan menyatakan ayat-ayat Qur'an itu dipetik daripada Taurat. Tiap-tiap ayatnya dikaji tetapi tiada dapat memberi penerangan yang tepat dapat

bersetuju dengan akal. Kitab Taurat agama Yahudi pun telah dicampur-aduk dan didolak-dalik hingga ia merupakan satu kitab yang tidak sesuai untuk dijadikan kitab suci.

Masa berlalu dengan cepatnya, dan saya mulai berfikir dengan dalam mengenai kehidupan. Saya insaf bahawa jika agama-agama itu diciptakan oleh manusia, maka tentu sekali ia akan mengakibatkan kehidupan manusia penuh dengan huru-hara. Walaupun begitu mestilah ada satu agama yang benar, kerana adalah mustahil berbilang agama, manakala Penciptanya itu Esa. Saya dapat bahawa agama Yahudi itu tidak sesuai mengikuti zaman. Saya mulai menyelidiki agama Islam; Qur'an dan hadith dan dengan beransur-ansur jiwa saya mulai tertarik kepada ajaran-ajaran yang dibawanya.

Walaupun saya telah tertarik dan bercita-cita hendak memeluk agama Islam, pada tahun 1954, tapi *family* saya telah menahannya. Saya telah diberi amaran bahawa jika saya memeluk Islam, maka saya akan menghadapi jalan hidup yang buntu, kerana keadaan di sekeliling. Perhubungan saya dengan *family* saya akan putus perlahan-lahan, dan saya akan terpencil daripada masyarakat. Di kala itu iman saya belum kukuh benar, dan saya akan kecewa dalam menghadapi masalah-masalah ini. Bersabit dengan hal-hal inilah maka saya telah jatuh sakit dan terpaksa berhenti daripada universiti sebelum memperolehi sebarang ijazah. Selama dua tahun selepas itu, saya telah tinggal di rumah, di bawah pengawasan perubatan sendri, dan penyakit saya itu telah bertambah buruk.

Di antara 1957-59 saya telah masuk hospital, lalu saya pun bernazar, sekiranya penyakit saya itu sembah maka saya akan tidak ragu-ragu lagi akan memeluk agama Islam.

Setelah saya sembah dan dibenarkan pulang ke rumah, saya pun membuat perhubungan dan berjumpa dengan orang-orang Islam yang bijaksana, yang mana mereka sedia menerangkan ajaran-ajaran Islam kepada saya. Dari sejak itu, saya mulai menulis makalah-makalah untuk majalah-majalah Islam dan membuat perhubungan surat dengan pemimpin-pemimpin Islam di seluruh dunia. Saya berutus dengan Almarhum Al-Shaykh Ibrahim, pemimpin ulama di Algeria, Doktor Muhammad Al-Bahi dari al-Azhar, Doktor Mahmud Fuad Hibullah, Pengarah “Pusat Pengajian Islam”, Wahington D.C., Doktor Hamidullah dari Paris, Doktor Said Ramadhan Pengarah Pusat Kajian Islam di Geneva dan Mawlana Sayyid Abu Al-A'la Mawdudi di Pakistan.

Saya dapat masyarakat di dunia ini telah kelam-kabut dengan kehidupan mereka yang berpandukan fahaman kebendaan untuk mengikuti zaman morden² ini. Keseluruhan hidup saya di masa kanak-kanak sentiasa bertemu dengan orang-orang yang tiada amanah, penipu dan berbagai-bagai lagi. Di masa anak-anak lagi, mereka sudah tidak mempunyai kepercayaan terhadap suruhan-suruhan agama, oleh kerana keadaan yang demikian itu. Bagaimana hairan saya apabila saya dapat dalam agama Islam pun terdapat bahaya tersebut. Saya berasa terperanjat apabila mendapati di kalangan

² Perkataan sebenarnya ialah *modern*.

Mengapa Saya Menganut Islam ?

pelajar-pelajar dan pemimpin-pemimpin politik Islam yang angkuh kepada suruhan Allah dan al-Qur'an yang menolak orang-orang Yahudi!

Dengan mempunyai penuh keyakinan bahawa

Allah tidak akan mengampunkan dosa-dosa yang berat dan menempatkan mereka seperti orang-orang Yahudi, maka saya akan terus berjuang dengan cara lisan


demi menegakkan dan memimpin mereka ke jalan yang benar, sebelum terlambat.

Mawlana Mawdudi, di dalam suratnya yang pertama kepada saya telah menulis: "Apabila saya mengkaji karangan puhan, saya dapati segala yang dibaca itu adalah seperti idea-idea saya sendiri. Saya harap perasaan puhan akan sama seperti sekarang apabila puhan dapat belajar bahasa Urdu, dan mengkaji buku-buku tulisan saya. Walaupun kita

belum berhubung di antara satu dengan lain tetapi kita adalah mempunyai perjuangan yang sama, dengan menuju ke arah pemberian yang serupa terhadap satu tujuan – Islam."

Peringatan:

Dalam majalah Qalam bulan depan akan kita siarkan sebuah makalah agama yang ditulis oleh Maryam Jameelah Begum yang dikirim khas untuk majalah Qalam oleh pihak Kementerian Wakaf Kuwait – Pengarang.



Ahli jawatankuasa tertinggi Jamiyyah al-Da'wah al-Islamiyah – Selangor sedang bertukar-tukar fikiran di dalam mesyuarat agung Jamiyah yang telah diadakan pada 2 hari bulan Jun 1968 yang lalu. Di antara yang kelihatan dalam gambar ini yang duduk dari kiri; Senator Abidullah (Yang Dipertua Masjid India Kuala Lumpur), Datuk Abdul Aziz (Yang Dipertua Pertubuhan Islam Semalaya – PERKIM), Yang Berhormat Datuk Haji Harun bin Idris (Menteri Besar Selangor dan Penaung Jamiyah), Yang Mulia Tuan Syed Nasir (Pengarah Dewan Bahasa dan Yang Dipertua Jamiyah), Yang Mulia Tan Sri Syed Jaafar al-Bar dan Yang Berhormat En. Ghazali (Setiausaha Politik kepada Menteri Besar dan Ahli Undangan Selangor).